


Augustus II
Poloniarum Rex

1716.

Computatio Manifesti a D. Leduchowski
vulgata die 24 Ianuarii 1716.

Ms. 4940



Confutatio Manifesti à D. Leduchowski vulgati. Die 27. Januarij.
Anno 1716.



33. 467. 411.
 Manifestum à D. Leduchowski
 nuper vulgatum, & pro more suo,
 calumnijs, undique refertum, re-
 fellere animus est; præmissa ta-
 men prius brevi & paulò altius
 repetitâ rerum informatione, ad
 meliorem materiæ de quâ agitur, intelligentiam.
 Anno præterito, Primas Regni & Supremi
 Duces educationem Copiarum auxiliarium à Re-
 ge efflagitarunt, & quidem æstivo tempore, &
 durante adhuc bellicâ expeditione in Pomeraniâ;
 sed solidis argumentis demonstrato periculo ex
 hac præcoci Copiarum educatione imminente (cu-
 jus funestos re ipsâ sensisset effectus Polonia, ni
 præsentia militis Saxonici, illis obviam itum esset)
 ut & diffidentia, & dissensione, hinc sine dubio
 inter foederatos septentrionales, oriundis, moramq;
 operationibus Pomeranicis, tanti cæterum mo-
 menti, allaturis; promisit Serenissimus REX se,
 simul ac finis Expeditioni Pomeranicæ impositus
 foret, copias suas educiturum. His & Primas &
 Duces acquieverunt. Ipse Rex tum; ut propiori
 accessu ad loca ubi bellum gerebatur, huius finem
 acceleraret, eoque citius promissa de educatione ad-
 impleret, cum, ut subsidia, militi suo in Poloniâ alen-
 do, compararet, Saxoniam petijt; præmisso ante di-
 scessum severiori edicto, quo ab omni & licentia,
 & excessu prohibebatur miles Saxonicus, utque cum
 exercitu Regni sese benè haberet, ipsi injungebatur.

Hic

BIBLIOTHECA



UNIV. CRACOVIAE

CRACOVIAE

Hic erat rerum status, cum Exercitus Regni, (cui postea aliquot Minoris Poloniae Palatinatus sese conjunxerunt) bellum copijs auxiliariis infert, easque improvisò adoritur; sicque contemptis & posthabitis legibus, causam suam aleæ belli committit. Quis verò in simili casu jus naturalis defensionis, vimque vi repellendi copijs auxiliariis competere, neget? Hoc indubitato jure nixus miles Saxonicus strenuè sese defendit, & ipso facto Confœderatis in sui perniciem conjuratis demonstrat, ipsos non satis aptam fortè, & securam viam inijsse, meliusquè utilitatibus suis consuluisse, si legibus potius quàm armis dimicuisissent; at jacta erat alea: quæ armorum forti commissa fuerant, armis decidere conveniebat: Saxones sub faustis Auspicijs Illustrissimi D. Comitis à Flemming copiarum Regiarū FeldMareschalli, Vistulam renitentibus Confœderatis trajiciunt; & quamvis juxta horum computationem, (accuratam equidem non dixerim, præcipiti enim festinatione discedentibus, non satis temporis suppetiisse, ad rationes scrupulosius subducendas, valde probabile est) saxonum tantus numerus ceciderit, ut si Dijs placet, ijs cæsis & vulneratis Vistulæ cursus steterit; horum tamèn tristes reliquiae Confœderatorum retro eedentium vestigijs insistentes, versus Leopolim iter intendunt, illosque propè Zamoscium offendentes, ad pugnam se parant, at dum Saxones de pugna seriò cogitant, Confœderati per Tubicines, eosquè numero plures, à Comite Flemmingio sollicitè & repetitis vicibus petunt, ut consistere velit; Datum responsum se equidem nec velle, nec posse consistere, sed polliceri se Confœderatis non institurum, modò à viâ recedant.

Inter

Senat
Flem
quàm
tum i
Regis
sentit
ineun
tis it
Pleni
endan
Medi
nus
prop
Dom
quam
imò
Pacis
indic
facul
sed &
volun

est :
Regi
derat
mis
ut c
tribu
diato
bilit
quan
med
passu

Inter hæc, armistitium a Confœderatis, quibus Senatoribus committitur proponendum Comiti Flemmingio, qui in dissidijs intestinis ad pacem, quàm ad bellum propensior, nullamque sibi partum iri gloriam existimans, ex bello cum ipsis Regis subditis gesto, trium dierum armistitio consentit, quo finito, ejusdemq; prorogationem pacis ineundæ causâ cupientes Confœderati, eorum votis iterum annuit Dominus Feldt-Mareschalcus: Plenipotentiarij & Mediatores ad Pacem perficiendam ab utraque parte nominantur: in hos dico Mediatores Dominus Feldt-Mareschalcus & Dominus Palatinus Culmensis, à parte Exercitus Regij proponuntur; sed admissio primo, alterum videlicet Dominum Palatinum recusant Confœderati; & quamvis hujus admissio ab Exercitu Regio, urgeri, imò obtineri potuisset; ab hac prætensione, in Pacis gratiam, spontè cessit Dominus Palatinus; indicium certum, quod Confœderatis non solum facultas libera suffragij & sententiæ suppetierit, sed & obsequiosius illorum, quam Exercitus Regij voluntati indultum sit.

His peractis ad pacis tractationem processum est: utrinque proponuntur conditiones; à parte Regij Exercitus; ut extemplo dissolvatur Confœderatio, ipsique in proprietatem cedant, quæ armis acquisiverat: à parte verò Confœderatorum ut educantur copiæ auxiliares, & ab onere contributionum liberentur. Re ab utriusq; partis mediatoribus bene perpensâ, perspectâque impossibilitate ad compositionem unquam perveniendi, quamdiu neutra pars à prætenso jure recedere vult, medium quæsitum est, quo, utrique parti, pari passu à prætensionibus recedenti, satisfaceret: hoc

autem medium his præsertim conditionibus contineretur; respectu Confœderatorum, ut eis copiarum auxilium eductio, sub honoris pignore promitteretur; nexusq; Confœderationis indissolutus maneret ad educationem usque; quod à Confœderatis in maiorem dictæ educationis fidem postulatum est; respectu verò Exercitus Regij, ut ipsi interim modicum alimentum suppeditaretur, quod postea ne in illo comparando justos limites excederet Miles, 17. Tymphonum summâ definitum est; ipsum verò educationis tempus Regi & Reipublicæ definiendum relinqueretur, tanquam utriusq; partis superioribus, & quorum authoritati ultima demùm litis diremptio subest.

His tanquam præcipuis conditionibus, totum Ravenne pactum, à Confœderatis postmodum improbatum & ruptum, contineretur.

Ex rebus supra narratis Lectorem monitum velim, ut sequentia puncta memoriâ teneat.

1. Confœderationem incæpisse eo ferè tempore, quo promiserat REX copias suas educturum, statim atq; finis expeditioni Pomeranicæ impositus foret.

2. Confœderatos, juxta proprium testimonium, nihil aliud in votis habuisse, quam Copiarum auxilium educationem, & ab omni contributione exemptionem: hocque unico fundamento, si fides illis habeatur, totam niti Confœderationem.

3. Confœderatos arma primos arripuisse, & Copias auxiliares offensivè esse aggressos.

4. Sicque aleæ belli prætensiones suas commisisse.

5. Primos armistitium, porro ejusdem prorationem, & demùm pacem petisse.

6. In

6. In hunc finem Plenipotentiariorum & Mediatores plenâ potestate munitos, spontè & propriô motu, ad pacificandum elegisse & misisse.

7. Tandem solemne Pacis pactum ab omnibus utriusq; partis cum Plenipotentariis, tum Mediatoribus approbatum, & liberè libenterq; subscriptum, posthabitis honestatis, & bonæ fidei legibus non solum improbasse, sed & rupisse.

Jam ad Articulos Manifesti à D. Leduchowski vulgati respondere mihi incumbit.

Manifestum.

Stanislaus &c. Leduchowski &c.
Mareschalcus Generalis
Reipublicæ Confœderatæ.

Prout hanc Confœderationem nostram non alia intentione inchoavimus & constituimus, quàm ut Regia Majestas AUGUSTI II. in tuto servetur, non indigendo exterorum auxilijs, sed solum ijs, quæ validissimo tutamine fidelium subditorum subministrat amor, & retineantur libertates & leges

Confutatio.

Jam pluries D. Leduchowski demonstratum est, illum æquè falsè, ac ridiculè asseclarum suorum coetum nomine Reipublicæ indigitare; miror sanè quod adhuc dum phantasmate illo sibi adblandiatur: sed serò sapiunt Phryges.

Omnes quotquot novas res moliri, Civitatemq; seditionibus perturbare unquam intenderunt, eandem hanc rationem semper causati sunt, videlicet Legum & Libertatis conservationem, vel restitutionem, ut tanti prætextus splendore alios in partes suas traherent, at sanè

Manifestum.

leges nostræ in salvo, sine
quibus etiam amplissima
& potentissima Imperia
mera sunt latrocinia.

Confutatio.

sanè si quis Legum infra-
 ctione reus pronunciari
 debeat, ipsi sunt Confœ-
 derati, non verò Copiæ
 auxiliares, quibus alimen-
 torum suppeditatio, pro
 præstitis in bello ab ipsâ
 Republica constituto &
 adhuc dùm durante ser-
 vitijs, pro legum, & li-
 bertatis violatione, absq;
 injuriâ haberi nequit. (de
 hac materia fusiùs tracta-
 tur in libello supplici ab
 Exercitu Regio, D. Feldt-
 Mareschalco oblato, &
 hic ad finem adjecto :) Er-
 go vel alia mente ducti
 fuerunt Confœderati, (quod
 maximè verisimile est)
 quàm ut Legum & liber-
 tatis defensionem fuscipe-
 rent: vel sanè falsâ opi-
 nione ducti umbram pro
 corpore, nubemque pro
 Junone amplexi sunt.

Ita licet aliquoties ab
 Exercitibus Sacræ Regiæ
 Majestatis *stante etiam ar-*
mistitio angarisati fueri-
mus, & Fortalitium Za-
moscense contra publicam
fidem

Jam alibi demonstra-
 tum est, quod Fortalitium
 Zamosc ad armistitium
 non pertinuerit, hinc e-
 tiam cùm de armistij pro-
 rogatione actum, pacisq;
 ineun-

fidem,
tunarum
blicorum
non fin
nis,
menda
sione,
lomin
quam
natio
cum c
vat,
eligat
magis
nation
cipes;
stilitat
in cor

Et
teras
denu
pro
arum
expe

fidem, Nobilitarium fortunarum, & actorum publicorum depositarium, non sine effusione sanguinis, illiusq; loci Commandantis crudeli occisione, *receptum*, nihilominus hanc famam, quam hucusquē celebris natio Polona, & sæpè cum dispendio sui conservat, quod licet sibi Ipsa eligat Reges, *tamen illos magis observat quam alie nationes hereditarios Principes; nullum fecimus hostilitatis gressum, habentes in cordibus mitiora consilia.*

Et quàmprimùm per litteras Czarea Majestas sese denuntiavit, statim debitâ pro hoc affectu facta gratiarum actione, cōstituimus expedire ad Czaream Ma-

jeſta- B2

incundæ gratiâ Ravæ conventum est, ne minima de dicti Fortalitij occupatione, vel quærela, vel mentio injecta est.

Exemplum illius observationis ex Turbis præsentibus peti potest.

Hoc contra veritatem dictum, durante enim trium dierum armistitiô, Confederati Equitum nostrorum plures hostiliter aggressi sunt, eosque captivos abduxerunt: plûs semel etiam ad loca nobis ad pabulum, in Tomaszow assignata, ipsi pabulatum iverunt.

Quis

Manifestum.

jestatem nostrum Legatum.

Postea quando nobis denuntiaverunt Senatores nostri, & Fratres majores, quod habebant certa media ad fundamentalem pacificationem nostram, idque in Labunie oretenus confirmaverunt, statim annuimus, *nullis tamen alijs positis conditionibus præter illas quæ sunt basis nostri nexûs, videlicet Evacuationem indilatam Exercitus Saxonici ex limitibus nostris & cessationem instantaneam omnium in genere & specie contributionum*, & has condiciones tanquam præliminaria Legatis Plenipotentarijs nostris ad Tractatum in Ravâ per Senatores nostros assignatum tam in Instructione, quam oretenus commisimus.

Confutatio.

Quis D. Leduchowski ita loquentem audiens, non credat Cōfœderatos, Copijs auxiliaribus ita fuisse superiores, ut hæ ab illis tanquam Victoribus, pacem efflagitare coactæ fuerint? at alio planè modo res se habet. Cōfœderati enim ab Exercitu Regio retrò cedentes, & pugnam detrectantes, armistitium primò per quam sollicitè, tum ejus prorogationem, & pacem demùm requisiverunt: ergo petentium personam sustinentes, ipsos condiciones Pacificationis posuisse, easque tales quales D. Leduchowski asserit, videlicet indilatam evacuatio-

*Manifestum.**Confutatio.*

ationem & cessationem instataneam omnium cōtributionum. Quàm sit rationi absolum judicet Lector: Quid enim Victores aliud facere, aliud exigere potuissent? Quid aliud coeptis audacibus unquam prætexerunt & Confederati, quam dictæ Copiarum Evacuationis, & Contributionum cessationis adaptionem? Ad quid aliud, juxta propriam confessionem, arma sumpserunt? Atqui sorti armorum semel credita, vel armis decidere oportet, vel si altera partium belligerantium pacem exposcat & ad illam perficiendam Plenipotentiarios & Mediatōres omni meliori formâ plenâ potestate munitos, mittat; præsumitur à prætensionibus suis plus minùs recedere velle, (alias cui bono mitterentur Mediatōres si omnia pacificationis media respicere animus esset) ni sibi

C

malæ

Manifestum.

Ubi dolendum non per modum mediationis, sed ad calcem omni falsitate potius viâ compromissi ad arbitrium D. FeldtMar: Flemming omnia negotia tractabantur, & quæ non valuit ratio efficere, hæc respectus & metus vicinæ Potentiæ acceptare cō- git, nonnullos nostros Legatos pollicitationibus, alios diris & minis, alios ad conferentiam non admittendo, ad subscriptionem Tractatus, cum æternâ infamiâ & dedecore gentis nostræ adduxerunt.

Confutatio.

malæ fidei notam inure-
re velit; Quod viderint
Confœderati.

Ilte Articulus à capite ad calcem omni falsitate falsior est. Non solum enim æqua conditio, æ-
libertas loquendi, proponendi, agendi, utri-
que parti fuit; sed ut jam in Prœmio dictum est, majori indulgentiâ voluntati Confœderatorū, quàm Regij Exercitus obsecundatum est; ideò etiam ne tantulū quidem à Confœderatorum Deputatis, tunc temporis expostulatum est. At certè, si juxta calumniam D. Leduchowski, omnia pro arbitrio D. FeldtMareschalci gesta sunt, summas illi reddere grates tenerentur Confœderati, qui eorum utilitatibus tam studiosè invigilaverit. Nihil enim nisi proficuum & illis optatum, in Pacto Ravensi continetur Copiarumeductio, quam semper adeò in votis habuerunt, sub

sub

hono-

Sub
ctatus
stitio,
Sacrar
bilitar
cōbure
Es no
crucia
tormen
ste nos
munic

honoris pignore promittitur. Nexus Confœderationis, pro certiore illius educationis fide, ad dictam educationem usque indissolutus relinquitur. Copijs auxiliaribus, per breve illud tempus modica, & quæ carere non possunt, alimentatio conceditur quæ postmodum septemdecim Tymfonum Summa definitur; Eo fine ut vitarentur excessus, qui ex non definitâ, sed arbitrio militis relictâ necessariâ alimentatione, proculdubiò orti fuissent, ut illos re ipsa post ruptam pacem ortos videamus.

Sub tempus cuius Tractatus, licet stante armistitio, nulla erat securitas; Sacraria DEI, Domus nobilitares depredabantur, cõburebantur; undi DEI & nobiles innocui varijs cruciatibus, & inauditis tormentis afficiebãtur; Postea nostræ quæ propter communicationem nobiscum in-

Calumniare audacter, semper aliquid hæret; huic præcepto adeò diligenter paret D. Leduchowski, ut illud in symbolum elegisse non dubitem; nihil à vero magis alienum esse potest, quàm quæ in hoc articulo proferuntur: non Copijs auxiliaribus, quæ enumerantur hîc fla-

Manifestum.

ter Ravam & Włodimirz sub salvagardiâ Saxonica dispositæ erant, revidebantur, & interceptiebantur, ita ut nec forma fuerit, nec species ulla securitatis, quam sub tempus talium actuum omnes gentes servare convenerunt.

Apposuerunt ad hanc operam & maximè adjuverunt ad intolerabilem Tractatum *insani quidam Suius Patriæ Filij*, qui per tacitos cuniculos, varias machinationes, plus quàm Saxones ipsi (nam ibi fermè nullus Saxo fuit) elaboraverunt hoc opus.

1. *Ubi evacuatio Saxonum ad arbitrium Regum rejecta est.*

Confutatio.

gitia attribui possunt, sed Confœderatorum moribus apprimè conveniunt; quibus plurima facinora obijci possunt Latrocinij, quàm bellicis gestis similiora. Si vera foret hæc imputatio, quare durante pacificatione de hoc non conquesti sunt Deputati? Quare cum inde ansam sumere debuissent ab omni negotiatione statim abstinendi, & re infectâ discedendi, ad conclusionem usque Pacti cum Juris gentium violatoribus perrexerunt?

Hi insani Patriæ Filij ipsius Leduchowski, & ex Confœderatorum gremio electi Plenipotentiarij fuerunt.

Jam principales rationes rupti pacti Ravensis à Confœderatis allegantur.

1. Non evacuatio ad arbitrium Regum rejecta est, promissa enim simpliciter & absolutè fuit; sed temporis evacuationis definitio.

2. Non

*Manifestum.**Confutatio.*

2. Non ad Regem solum, sed ad Regem & Rempublicam remissa est definitio illa. REX & Respublica, utriusque Partis dissidentis sunt Superiores. Quid verò æquius est, quàm ad ipsos summam dissidiorum decisionem deferre; imò sine crimine læsæ Majestatis ab hoc jure excludi non possunt.

Quid autē sibi metuerint Confœderati ex illa ad Regem & Rempublicam delatione examinare lubet?

Num forsan ipsis voluntas Regis & Reipublicæ suspecta fuit, ita ut crediderint non alia de causa ad hos provocatum fuisse, quam ut évacuatio Copiarum protraheretur? imò se eandem hanc viâ nunquam fore adepturos? at cum brevi de hoc potuissent fieri certiores, quare ante periculum factum, num bonâ vel malâ fide secum ageretur, Tractatum abruperunt? ut saltem
D si ma-

2. *Et à Rege etiam Plenipotencia producta non fuit.*

Confutatio.

si mala fide secum esset actum, speciem justitiæ & æquitatis huic violationi obtendere potuissent. Aliquot septimanis tota expectatio continebatur. Quodnam fructum ex impatientia sua reportarunt? Num propterea promptiorem Copiarum evacuationem adepti sunt? nonne potius coram Orbe toto malam fidem, & voluntatem suam testati sunt? justamque injecerunt suspicionem, se non tam Pacti in executionem, quam ejusdem executionem timuisse, idq; malâ Ducum voluntate, qui ex rerum perturbatione utilitatem capientes, ab omni Pacificatione abhorrent.

Cùm Confœderati tam sanctè protestati sint, sibi cum Rege nihil esse negotij, sed cum Exercitu Regio; non Regis, sed Exercitus Plenipotencia opus fuit; verùm hujus defectum, Regis Ratificatio, cumulatè supplevisset.

Non

Manifestum.

3. *Contributio tam gravis per Septemdecim Tymfones, juxta Tariffam 1661. ex fumo quovis, ubique concessa est.*

4. *Locatio Exercitus optimè de nobis meriti, in tribus tantum Palatinatibus, videlicet Volsyniæ, Bracławia & Kijovia assignata.*

5. *Guarantia, quæ pro maximo robore & pondere manutentionis omnium Tractatum additur, nostrorum Senatorum apposta, quasi ad elusionem Reipubl: Cui tot Constitutiones Comitiorum, Consiliorum, & Diplomata nullum attulerunt suffragium. Propterea Nos*

Confutatio.

Non Nomine Contributionis hi 17. Tymfones concessi sunt, sed solummodò in alimentationem, quæ hâc Summâ definita fuit, idque in utilitatem publicam, ut jam dictum est suprâ. Ratio fuit (ut in ipso Tractatu declaratur) partim ad vitandas omnes collisiones; partim ne Palatinatus nimiû aggravarentur transitibûs.

At locatio Exercitus Regij in duobus tantum Palatinatibus, Russiæ & Podoliæ constituta fuit; imò in unico tantum, promissum enim fuit Palatinatum Podoliæ liberum relinquere.

Quid mirum si guarantiam apposuerint ij ipsi, quos in Mediatoreselegerant Confœderati.

Manifestum.

procedendo recto & iusto itinere Antecessorum Nostrorum, testamur primò coram DEO, uti optimo cordium humanorum Scrutatore, postea coram toto mundo, & dignissimo Regno Poloniæ, ac Provincijs eidem annexis, *quod non ex ullo externo, aut particulari interesse, sed tantum intuitu ex zelo boni publici* hunc Tractatum pro nullo & invalido, pro damno Libertati, Legibus nostris, pro lædenti honorem liberæ gentis Polonæ habere volumus, & non tantum illum ratificare, sed nec acceptare volumus: & serio commendamus, & jubemus, nè ullibi illius executio fiat.

Præmonemus interea insanos hujus Patriæ Filios, ut amplius super illius viscera sævire nolint, dando illis tempus ad resipi-

Confutatio.

Credat Judæus Apella; at ego nec credam, nec ab ullo Viro æquo credi posse existimo.

Sed vicissim coram omnibus protestor, hanc à Confœderatis Tractatûs rejectionem, esse bono publico damnosissimam & bonæ fidei, legibusque Divinis & humanis è diametro contrariam.

Præmoneo etiam omnes novis studentes, turbasquè & bella in sinu Patriæ moventes, & foventes, eaq; de Causa ti-

scen-

tulo

scend
rum
juxta
ration
venia
script
feceri
Unive
pro
mand
bus
cabil
libet
mend
mus,
re cao

Nu
dendo
horre
nus,
tam C
diatio
publi
nostr
rati
exero
do,

Manifestum.

seendum sex septimana-
rum à datâ præsenti, ut
juxta tenorem Confœde-
rationis Nostræ ad Nos
veniant; nam si in præ-
scripto tempore id non
fecerint, ex tunc præviò
Universali Nostrò, quod
pro tunc publicare de-
mandabimus, pro hosti-
bus Patriæ, & invindi-
cabilibus capitibus, quæ-
libet nominatim expri-
mendo illos declarabi-
mus, & bona illorum ju-
re caducò distribuemus.

Nunquam tamen *rece-
dendo ab honesta pace*, ab-
horrendo Tributorum o-
nus, & non tantum *obla-
tam Czareæ Majestatis me-
diationem*, sed & aliorum
publicorum vicinorum
nostrorum acceptare pa-
rati. Quæ omnia DEO
exercituum committen-
do, qui scit misereri su-

Confutatio.

tulo infanorum Patriæ Fi-
liorum verè dignos, ut
tandem ad bonam fru-
gem redeant.

Quis credat Confœde-
ratos honestam Pacem
acceptare velle, qui talem
à proprijs suis, & è gre-
mio illorum electis Ple-
nipotentiarijs constitutam
& à Mediatoribus appro-
batam rejiciunt & fran-
gunt: multò similiùs ve-
ro est ipsos Ducum suo-
rum fascinatione seductos

per E

bello

Manifestum.

per egenum & pauperem, hoc Manifestum Nostrū, ut ad cuiusvis facilius perveniat notitiam, recommendavimus, ut in omnibus Castris & Paraphijs publicetur. *Datum Włodzimirie Die 27. Januarij. Anno 1716.*

Sign: Stanislaus Leduchowski.

Confutatio.

bello delectari, utinam brevi resipiscant. Quo- ad Mediationem Czareæ Majestatis & aliorum vicinorum Principum, non solum perlibenter illam acceptabit Exercitus Regius, sub Regis & Reipublicæ beneplacito, sed & ad totum orbem provocare paratus est.



utinam

Quo-

Ezarea

um vi-

non

illam

us Re-

Reipu-

fed &

orovo-

and

edilib

libet

incub

mus

reced

nu

lando

horre

mus

am

diu

publ

nostr

rat

exerc

do

